



Pou Piblikasyon Imedya: 11/09/2023

GOUVÈNÈ KATHY HOCHUL

GOUVÈNÈ HOCHUL ANONSE FON FINANSMAN 20 MILYON DOLA POU PWOJÈ DEKABONIZASYON YO NAN KOMINOTE DEFAVORIZE YO

Veykil finansman an debloke finansman eta ak federal konplemantè pou deplwaman kapital pou pwojè ki redui emisyon yo nan anviwònman ki konstwi a

Sipòte objektif Lwa sou Lidèchip Klimatik ak Pwoteksyon Kominotè a pou diminye emisyon yo nan 85 poustan disi 2050 epi asire omwen 35 poustan nan avantaj – avèk yon objektif 40 poustan – prale nan kominote defavorize yo.

Gouvènè Kathy Hochul te anonsé jodi a yon Fon Finansman Enèji Eta a 20 milyon dola pou antite ki ofri finansman abòdab pou pwojè dekabonizasyon ki pote avantaj pou kominote ki defavorize yo. Veyikil finansman sa a bay yon opòtinite finansman konplemantè pou antite k ap aplike tou nan Biwo Pwogram Prè (Loan Programs Office, LPO) Depatman Enèji (Department of Energy, DOE) Etazini Tit 17, Seksyon 1703 nan Pwogram Finansman Enèji Pwòp, pou sipòte deplwaman kapital pou pwojè nan Eta New York ki diminye emisyon ki soti nan anviwònman ki konstwi a, ki gen ladan biling ak lòt enfrastrikti. Anons jodi a sipòte objektif Lidèchip Klimatik ak Lwa Pwoteksyon Kominotè (Climate Leadership and Community Protection Act, CLCP) pou diminye emisyon yo nan 85 poustan disi 2050 epi asire omwen 35 poustan nan avantaj – avèk yon objektif 40 poustan – prale nan kominote defavorize yo.

"Fon Finansman Enèji Eta a baze sou efò kontinyèl New York ap fè pou dirije nasyon an vè yon avni ki pi pwòp ak pi dirab lè li sipòte pwojè inovatè ki diminye emisyon yo epi ki ede nou atenn objektif klimatik nou yo", **Gouvènè Hochul te deklare.** "Atravè fon sa a, n ap amelyore aksè nan pwojè dekabonizasyon yo nan kominote defavorize yo atravè eta a pou ede diminye depans enèji pou Nouyòkè yo epi konstwi yon avni ki pi vèt ak pi ekitab pou tout moun".

Atravè nouvo pwogram nan, ke Otorite Rechèch ak Developman Enèji Eta New York (New York State Energy Research and Development Authority, NYSERDA) administre, sipò dirèk an kapital ak amelyorasyon kredi yo kounye a disponib pou antite k ap travay aktivman oswa k ap devlope plan pou aplike nan Seksyon 1703 Pwogram Finansman Enèji Pwòp Tit 17 LPO (Biwo Pwogram Prè) pou deplwaye kapital nan pwojè dekabonizasyon yo nan Eta New York. NYSERDA ap chèche sipòte aplikan yo ki pral bay prè oswa lòt fòm finansman oswa sipò dirèk pou enèji pwòp ak pwojè enfrastrikti

dirab, avèk yon konsantrasyon sou pwojè ki diminye emisyon nan biling yo. Pwojè ki elijib yo dwe se entèvansyon nan dekabonizasyon ki fèt pou kenbe oswa diminye bòdwo enèji kliyan yo, kenbe oswa amelyore konfò biling nan, epi ap founi solisyon fleksib, dirab, oswa otreman kontribiye nan rediksyon emisyon gaz a efè sè.

Prim yo depann de apwobasyon aplikan an pou finansman Seksyon 1703 Pwogram Federal Finansman Enèji Pwòp Tit 17 LPO. Yo pral bay finansman an sou yon baz kontinyèl epi prim endividyèl yo pa ka depase 5 milyon dola oswa 3 pouzan nan kantite lajan pòtfèy pwojè yon aplikan elijib pwopoze, sijè a kondisyon estriktirasyon ak règleman federal, eta ak lokal ki aplikab. Aplikan yo pral oblige fè rapò sou nonb ak montan envestisman nan DAC New York yo ki finanse atravè enstalasyon Tit 1703 respektif yo. Gen plis enfòmasyon sou finansman sa a ki disponib sou [sitwèb](#) NYSERDA.

Doreen M. Harris, Prezidan ak Direktè Egzekitif Jeneral, NYSERDA te deklare,
"NYSERDA kontan ajoute yon lòt zouti finansman dekabonizasyon nan pakèt pwogram li yo ki sipòte avansman teknoloji enèji pwòp inovatè ak ki disponib nan nivo komèsyal ki diminye emisyon yo pandan y ap bay avantaj, tankou rediksyon bòdwo enèji ak espas pou viv ak travay ki pi alèz, pou kominote defavorize yo. Lè n ap travay men nan men ak patnè nou yo nan nivo federal, n ap founi yon chemen konjen pou diminye depans kapital pou pretè yo envesti nan teknoloji enèji pwòp ki pral ankouraje envestisman sektè prive epi sipòte yon tranzisyon nan enèji abòdab".

NYSERDA pral òganize yon wèbinè sou solisitasyon sa a nan 10 oktòb 2023, a 10:00 a.m. EST. Pati ki enterese yo ka enskri [isit la](#). Y ap anrejistre wèbinè sa a epi afiche l sou [sitwèb](#) NYSERDA.

Pwogram Finansman Enèji Pwòp Tit 17 LPO DOE a bay garanti prè pou pwojè enèji inovatè ki elijib yo avèk yon kategori pou pwojè Enstitisyon Finansman Enèji Eta a sipòte ki alien priyорite enèji federal ak priyорite Etazini yo. Pwogram nan te fèk mete ajou pou pèmèt prè LPO pou pwojè ki resevwa tou sipò finansye oswa amelyorasyon kredi nan men yon Enstitisyon Finansman Enèji Eta (State Energy Financing Institution, SEFI). Atravè Mizajou sa a, eta yo kounye a gen aksè a nouvo chemen sa a pou ede deplwaye enèji pwòp ak teknoloji dekabonizasyon ki deja komèsyalize yo, pandan l ap pwofite pouvwa sous finansman kolektif eta ak federal yo pou fè avanse pwojè sa yo. Lè li bay garanti prè pou pwojè SEFI sipòte tankou sa yo ki pral jwenn sipò nan kad nouvo pwogram NYSERDA a, LPO a kapab kounye a ofri tou finansman pwojè a yon kantite pi laj moun k ap prete lajan dapre Tit 1703, ki gen ladan moun k ap sèvi oswa opere nan kominote pitit, riral ak defavorize yo.

Fon Finansman Enèji Eta a finanse atravè Inisyativ Rejyonal Gaz a Efè Sè (Regional Greenhouse Gas Initiative, RGGI) a.

Plan Klimatik Nasional Eta New York ki Alatèt Peyi a

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt

nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 poustan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 poustan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418